

Visoki predstavnik nastoji uključiti Bosnu i Hercegovinu u medjunarodni investicioni plan

Visoki predstavnik, Wolfgang Petritsch je danas završio dvodnevnu seriju sastanaka sa vodicim medjunarodnim poslovnim ljudima kako bi privukao neophodno potrebne investicije za Bosnu i Hercegovinu.

Visoki predstavnik je danas održao glavni govor na 27. Medjunarodnoj forfeiting konferenciji (o rizicnim ulaganjima) koja je održana u Seefeldu u Austriji. Domaćin Konferencije na kojoj su se okupili poslovni ljudi iz Sjeverne Amerike i Evrope kako bi razmotrili finansiranje trgovine sa zemljama koje se smatraju rizicnim za ulaganje je bila austrijska Raiffeisen central banka. Pocetkom ove sedmice Visoki predstavnik Petritsch je u Privrednoj komori Austrije razgovarao sa grupom od oko 300 poslovnih ljudi i bankarskih strucnjaka. On je takodjer ucestvovao na konferenciji o poslovnim mogucnostima u BiH ciji domaćin je bila velika austrijska banka, Volksbank cime je obilježila otvaranje svoje prve poslovnice u BiH.

Inicijativa Visokog predstavnika, kao i nedavni sastanci sa predsjednikom Evropske banke za obnovu i razvoj u Londonu i visim politickim vodjama u Briselu, imali su za cilj popraviti negativni imidz koji Bosna i Hercegovina ima kod stranih ulagaca. Nakon danasnjeg govora on je održao i nekoliko kracih sastanka sa rukovodiocima iz poslovnog svijeta koji su iskazali veliki interes za investicione prilike u BiH.

Visoki predstavnik je rekao da ima stvarnih promjena uprkos kritičnog stanja u kojem se ekonomija nalazi. Medjunarodni

strucnjaci se sada nalaze u BiH da bi se krenulo sa transparentnom tenderskom privatizacijom najvećih državnih preduzeća. On je rekao da su se po prvi put lokalni zvaničnici počeli ozbiljno baviti pitanjem korupcije. Visoki predstavnik je dodao da su ljudi u cijeloj regiji počeli shvatati da ih nacionalizam osiromašuje. "Ovo je loše za ekonomiju" rekao je pozivajući političko vodjstvo BiH da provede korjenite ekonomske reforme.

Visoki predstavnik će i dalje ulagati napore kako bi se Bosna i Hercegovina vratila na investicioni plan kao dio njegova tri prioriteta: povratak izbjeglica, ekonomska reforma i snazne državne institucije da bi se omogućilo ostvarenje prva dva prioriteta. U obraćanju na Konferenciji on je rekao : "Nadam se da niste stekli pogresan dojam- Bosnu i Hercegovinu tek čeka izlaz iz te pustinje. Ali desila bi se tragedija ukoliko bi Evropa napustila ovaj hrabri karavan na pola njegova puta. Magazin Ekonomist je stedljiv na pohvalama ali sam sa zadovoljstvom ustanovio proslog mjeseca da je etiketa "loše vijesti" donekle izmijenjena kada sam procitao "Bosna je komplicirana ali postoji zracak nade".